


Informacija o rezultatima ankete o inflacijskim očekivanjima iz septembra 2022. godine

Upravljanje i stabilizacija inflatornih očekivanja bitno utiče na cjenovnu stabilnost i odraz je povjerenja u mjere monetarne politike, kredibilnost i efikasnost monetarne vlasti. S tim u vezi, CBBiH, kao važan segment komunikacijske strategije, od marta 2019. godine redovno, provodi Anketu o inflatornim očekivanjima, sa ciljem analize i kontinuiranog praćenja inflatornih očekivanja ekonomskih subjekata. Učesnici ankete su predstavnici finansijskog sektora, komercijalne banke i osiguravajuća društva. Aktuelno ubrzanje inflacije, te interes domaćih i stranih institucija dodatno skreće pažnju na rezultate navedenog istraživanja, te se od 2022. godine anketa sprovodi na kvartalnoj osnovi.

Rezultati ankete sprovedene u septembru 2022. godine i dalje ne ukazuju na stabilizaciju kratkoročnih inflatornih očekivanja za tekuću godinu. Očekivana agregirana inflacija za tekuću godinu iznosi 12,2% i rasla je u odnosu na nivo od 10,8%, zabilježen u anketi sprovedenoj u junu tekuće godine, odnosno za preko 10 postotnih poena u odnosu na isti period prošle godine. Očito je da je ovaj val inflacije značajno iznenadio tržišne učesnike. Trend ublažavanja inflatornih pritisaka prema mišljenju predstavnika finansijskog sektora ne očekuje se do kraja godine. I pored nekih poboljšanja u međunarodnim lancima snabdijevanja, u domaćem okruženju osjeti se prolongiran efekat šokova. Izazov za kretanje inflacije u srednjem roku svakako predstavljaju cijene energenata usljed geopolitičkih kretanja, kao i cijene hrane.

Rezultati ankete dalje upućuju da očekivana stopa inflacije za 2023. godinu pokazuje naznake stabilizacije i iznosi 6,7%, u odnosu na nivo od 8,6%, zabilježen u junu tekuće godine. Navedeni podaci potvrđuju kontinuirano prisustvo rizika i dalje izazove vezane za projekciju inflatornih kretanja u uslovima sporijeg ekonomskog rasta.



Izvor: Anketa o inflacijskim očekivanjima, septembar 2022.